

BUREAU TRAIMERDIA

Bureau Traimerdia ta resorta bou di Ministerio di Enseñanza y Famia.

Muchanan di Bureau Traimerdia tin dos seccion di naschoolse opvang:

- 1) Naschoolse opvang destina pa scol basico, preparatorio y special. E naschoolse opvang aki ta hiba e number di Traimerdia.
- 2) Proyecto piloto di naschoolse opvang pa hobennan di educacion secundario cual ta hiba e number di Nos Atardi.

Tur nos localidad di Nos Atardi ta situa na e scol mes. Y e ta pa e hobennan cu ta bishita e scol ey. Nos Atardi ta trata di brinda e hobennan un acogida ameno cu tin mas tanto posibel e calor di cas.

Bou guia profesional y specialisa e hobennan ta wordo guia den nan desaroyo.

Banda di e descanso despues di scol y e hacimiento di huiswerk, e hobennan ta wordo stimula door di actividadnan, recreativo artistico y deportivo.

META NOS ATARDI

Meta di Nos Atardi ta pa despues di skol ofrece un acogida na e hobennan entre 12 te cu 17 aña. Nos Atardi ta cuminsa cu hobennan di e prome aña y despues cada aña agrega un klas aserca.

NOS ATARDI

Nos Atardi tin 4 tipo di categoria di actividad. Esakinan ta:

- 1) **Relaciona cu actividad escolar.** Esaki tin di haber cu hasi tarea (huiswerk) duna dor di skol y otro actividadnan escolar di formacion intelectual.
- 2) **Formacion socio-educativo.** Akinan ta trata di brinda e hobennan un situacion lo mas serca na un hogar unda ta promove conversacion sano, deporte y weganan social-recreativo, y desaroyo musical y cultural.
- 3) **Desaroyo personal.** Esaki ta encera actividadnan unda e hobennan ta forma nan identidad, desaroya nan sentido di hygiene personal y bida saludabel, nan valor y responsabilidad civico-comunal como tambe promove nan independencia, autonomia, autodeterminacion y auto-responsabilidad.
- 4) **“Civic engagement”.** Cu esaki e hobennan ta contribui na comunidad den trabou voluntario.

Cada localidad di Nos Atardi tin na cabes un locatiebeheerder. Su trabou ta maneha e centro durante di su oranan di operacion. Den cada localidad tin tambe dos begeleiders/guiadornan pa grupo. Tur guiadornan ta participa den cursonan di formacion y recapacitacion. E recapacitacion di guiadornan ta uno continuo y ta encera topiconan cu e joven nan ta experiencia den nan desaroyo y ambiente juvenil.

PROGRAMA DI NOS ATARDI

- 1:30 – 1:45 Yegada di personal di Nos Atardi
- 1:45 – 2:00 Reunion di personal
- 2:00 – 2:15 Yegada hobennan
- 2:15 – 2:45 Lunch
- 2:45 – 3:45 Momento pa hasi huiswerk
- 3:45 – 4:45 Programa educativo
- 4:45 – 5:30 Momento pa hobennan descansa di dia
- 5:30 Salida di hobennan
- 5:30 – 5:45 Reunion di atardi di personal

REGLANAN BASICO DI NOS ATARDI

- 1) Durante Nos Atardi no mag bisti nada otro cu e uniform di skol
- 2) Mester respeta otro den tur momento
- 3) No mag papia palabra malo y/of ofensivo
- 4) Wegá di man y di pia no ta permiti
- 5) Hobennan no mag bandona e localidad sin permiso di e guiador
- 6) No mag usa telefon celular durante e ora di programa
- 7) Mester participa activamente na e programa

INFORMACION ADICIONAL

Tur localidad ta habri di dialuna pa diabierna. Mester tene na cuenta cu den siman di CP of SO e orario di Nos Atardi por varia. Di adelanta e hobennan lo wordo poni na altura di esaki.

LOCUAL MAYORNAN MESTER PAGA

PA INSCRIPCION

Suma anual pa Nos Atardi ta Fls 50,-. E suma aki mester wordo paga riba cuenta di Bureau Traimerdia na banco RBC. Number di cuenta di banco ta 30.63.801

E suma aki ta pa cubri e gastonan di seguro (solamente WA) y otro costonan di actividad.

INSCRIPCION

Inscripcion mester tuma luga di e siguiente manera:

- 1) Mester yena e **formulario di inscripcion**. Formulario ta obtenibel na oficina di Bureau Traimerdia y tambe na e centro di Nos Atardi.
- 2) Hunto cu e formulario di inscripcion e mayor mester entrega tambe e uittekst di bevolkingsregister obtenibel na Censo (conoci tambe como e **papel di 5 florin**).
- 3) Hunto cu e formulario di inscripcion e mayor mester entrega tambe e **comprobante di pago** via banco.
- 4) Copia di carchi di AZV.

SOCIAL MEDIA

Nos Atardi ta riba Facebook y dentro di poco riba Instagram y Snapchat. Lo load un que otro foto di actividadnan riba e paginan ey. Fotonan di e hobennan por wordo poni eyriba.

VISION NOS ATARDI

Nos Atardi tin como vision ofrece e hobennan un acogida sigur, agradabel y saludabel den un clima cu ta pedagogicamente y tambe didacticamente responsabel, unda desaroyo personal y estudio ta importante. E hobennan semper ta para central pa Bureau Traimerdia.

MISSION NOS ATARDI

E mision ta pa mas tanto posibel sostene e hobennan y ofrecenan un programa na cual nan por participa cu alegria y bou guia profesional.

TAREA DI E GUIADOR

E guidador su tarea principal ta pa stimula y envolve e hobennan pa participa activamente na e programa cu ta wordo ofrece na e hobennan.

INFORMACION DI BUREAU TRAIMERDIA

Cumana 69 (Codemsa building)

Cumana 69

Tel.: 582-8796 of 582-8794


Fax.: 583-6506

E-mail: traimerdia.oduber@outlook.com

Web: www.ea.aw/naschoolse-opvang

Social Media: www.facebook.com/NSObtm

Bureau Traimerdia



INFORMACION GENERAL

2016 - 2017